


温州市图书馆



周礼三家佚注

共 1 册 存 1 册 排架号 02618

溫州府 臨 文 館

曲

亦

三

家

能

狂

乃立天官冢宰

馬曰冢大也宰治也大治者兼萬事之名也孔穎達尚書周官正義

干曰濟其清濁和其剛柔而納之中和曰宰釋文

治官之屬

干曰凡言司者總其領也凡言師者訓其徒也凡言職者主其業也凡言衡者平其政也凡言掌者主其事也凡言氏者世其官也凡言人者終其身也不氏不人權其材也通權其材者既云不世又不終身隨其材而權暫用也孔穎

達禮記曲禮下正義

宮正釋文云此以下鄭總列六十職

敷人中士二人下士四人府二人史四人胥三十人徒三百

人

馬曰徒亦三百人者池塞苑囿取魚處多故也賈疏

大宰

三曰禮典以和邦國以統百官

馬曰統本也百官是宗伯之事也尙書周官正義

以佐王治邦國

干曰國天子諸侯所理也邦疆國之境釋文

以詰邦國

干曰詰彈正糾察也同上

以八則治都鄙

馬曰距王城四百里至五百里謂之都鄙鄙邊邑也以封

王之子弟在畿內者尚書蔡仲之命正義

惟王建國

五曰賦貢以馭其用

千曰賦上之所求於下貢下之所納於上釋文

幣餘之賦釋文鄭婢世反千必世反

羞服之式

千曰羞飲會也服車服也釋文

九曰藪以富得民

千曰宜作叟同上

正月之吉

千曰周正建子之月吉朔日也舊唐書二十二禮儀志王溥唐會要十二李昉

文苑英華七百六十二 案唐會要王方慶議引干注作告朔日也又張齊賢議云干寶之注經所云正月之吉者即正月之朔日也故解云吉是朔日也今之告朔日者是傳寫之誤據此則唐時干注別本譌吉為告故王方慶亦沿其誤

挾曰而斂之

釋文挾干本作帀子合反

設其參

干曰三公也

釋文

乃施則于都鄙而建其長立其兩

馬曰立卿兩人

尚書蔡仲之命正義云馬鄭皆云立卿兩人蓋約馬義非其元文

前期十日

釋文云前如字干本同本或作先

及納亨

干曰納亨納牲將告殺謂向祭之晨也

續漢志四禮儀志上劉昭注

掌建邦之宮刑以治王宮之政令

釋文云宮刑鄭如字謂宮中之刑也干同杜作官

干曰若御史中丞

續漢志二十六百官志劉注

小事則專達

干曰達決也

釋文

六曰事職以富邦國以養萬民以生百物

馬曰事職掌百工器用耒耜弓車之屬

尚書周官正義

宰夫

凡失財用物辟名者

干曰不當也

釋文辟名下引

賓賜之殮牽

釋文云一本作賓賜掌其殮牽干本同

膳夫

以樂侑會膳夫授祭

干曰祭五行六陰之神與民起居

釋文禮記曲禮上釋文引民作人

庖人

掌其六畜六獸六禽辨其名物

干曰六獸麋鹿豕兔

釋文云六獸司農云麋鹿熊麇野豕兔干注麇作麇熊作

豕六禽鴈鶉雉鳩鴿鷄

釋文

夏行牯鱸膳膏臊

干曰豕膏也

同上

秋行犢麇膳膏腥

干曰雞膏也

同上

丙饗

牛夜鳴則廝

干曰病也釋文廝下

馬黑脊而般臂螻

干曰內病也釋文螻干音漏內病也此依禮記文

甸師

而耕耨王藉

干曰古之王者貴為天子富有四海而必私置藉田蓋其

義有三焉一曰以奉宗廟親致其孝也二曰以訓於百姓

在勤勤則不匱也三曰問之子孫躬知稼穡之艱難無逸

也續漢志四禮儀志上劉注

鼈人

掌取互物

干曰對也

釋文互下

以時簠魚鼈龜蜃

干曰簠類

釋文蜃下

酒正

一曰泛齊

馬曰合之宜成會稽稻米清

賈疏

成當作城案

小祭壹貳

馬曰宗廟小祭謂祭殤

同上云馬融以為宗廟小祭云云蓋約馬義非其元文肆師疏引同

凌人

春始治鑑

干曰鑑金器盛飲會物以置冰室使不汝餒也杜臺卿玉燭寶典六

案汝當作茹呂氏春秋功名篇高誘注云茹臭也

遵人

羞遵之實糗餈粉飡

干曰糗餈者豆末屑米而烝之以棗豆之味合餈餈也徐堅

初學記四歲時部高承事物紀原九引馮鑑續事始轉引干注云糗餈者或屑而蒸之以棗豆之味同會陳元觀歲時廣記三十四引玉燭寶典轉引云糗餈者秬米屑蒸之加以棗豆之味即合餈餈也又引壺中贅錄轉引云以豆末和屑米而蒸合糖餈是也案以上各書疑皆本杜氏寶典而傳寫舛異今本寶典有缺卷此文未見

醢人

茆菹

干曰茆今之鮑躑草堪為菹江東有之毛詩魯頌釋文

玉府

凡藝器

賈曰械虎子也窰行清也

史記萬石君列傳裴駙集解案經無械窰之文鄭此經注云

藝器清器虎子之屬疑即本賈說故繫於此

司裘

王大射則共虎侯熊侯豹侯設其鵠

賈曰四尺曰正正五重鵠居其內而方二尺

詩小雅賓之初筵正義

馬曰十尺曰侯四尺曰鵠二尺曰正四寸曰質同上引鄭

內宰

而生種稷之種

干曰種晚秔稻之屬稷陵穀黍稷之屬

續漢志四禮儀志上劉注

地官司徒第二

鄉老二鄉則公一人鄉大夫每鄉卿一人

賈曰六鄉大夫則冢宰以下賈疏周禮廢興引馬傳敘

賈馬曰六鄉之地在遠郊五十里內五十里外置六遂賈疏

約賈馬義非其元文案此引賈馬義同而賈氏廢興引

馬傳糾賈說六遂十五萬家緝千里地之誤者蓋馬氏謂

六遂在五十里外而界則止於百里賈氏則謂千里之內

司門下大夫二人上士四人中士八人下士十有六人

干曰如令校尉續漢志二十七百官志劉注

每門下士二人

干曰如今門候同上

遂人

賈曰六遂為十五萬家緼千里之地賈疏周禮廢興引馬傳敘

大司徒

廣輪之數

馬曰東西為廣南北為輪賈疏詩大雅篤公劉正義

日至之景尺有五寸謂之地中

馬曰洛陽李滄風周髀算經注上云周禮大司徒職曰夏至之景尺有五寸馬融以為洛陽蓋約馬傳義

非其元文

乃建王國焉

馬曰王國東都王城合河南縣是也尚書召誥正義

鼓人

以晉鼓鼓金奏

賈曰晉鼓大而短考工記鞀人鄭注

以金鐃和鼓

干曰去地一尺灌之以水又以其器盛水於下以苾當心

跪注以手震苾其聲如雷董道廣川書跋二案于注南北

史始興王鑑傳云時有廣漢什邡人段祖以苾于獻鑑古

禮器也高三尺六寸六分圍三尺四寸圓如筓銅色黑如

漆甚薄上有銅馬以繩縣馬合去地尺餘灌之則聲如雷

器盛水於下以苾當心跪注苾于以手振苾則聲如雷

清響良久乃絕古所以節樂也又後周書斛律徵傳云樂

救日月則詔王鼓

文

干曰朱絲縈社社太陰也朱火色也絲維屬天子伐鼓於社責羣陰也諸侯用幣於社請上公也伐鼓於朝退自攻

也此聖人厭勝之法也續漢志四禮儀志上劉注通典四十三吉禮引絲維屬作絲屬離自

攻攻作責法作術末無也字

舞師

教皇舞帥而舞旱暵之事續漢志注引經皇作翌蓋干本如是鄭注鄭司農云皇書或為翌即

干本所從出

干曰翌赤皐染羽為之也旱暵注陽也用假色欲其有時

而去之續書志五禮儀志劉注引作鄭云日與今鄭本經注並不合惠士奇禮說定為干注案劉昭屢引干

注惠說近是今據校錄赤皐皐汲古閣本續漢志作草草即皐本字注陽疑恆陽之誤

充人

展牲則告牲

于曰若今夕牲

續漢志四禮儀志上劉注

師氏

掌以媯詔王

馬曰媯媯道也告王以善道師者教人以事而諭諸德者

也

通典五十
三古禮

以三德教國子一曰至德以為道本

馬曰德行內外之稱在心為德施之為行至德者中德也

中庸曰天命之謂性率性之謂道失中庸則無以至道故

曰以為道本

同上

三曰孝德以知道惡

馬曰教以孝德使知逆惡之不可為也同上

二曰友行以尊賢良

馬曰教以朋友之行使擇益友同上

三曰順行以事師長

馬曰師德所不如也長者同上

保氏

而養國子以道

馬曰道六藝太平御覽七百四十四工藝部

六曰九數

馬曰今有重差夕桀賈疏正義禮記

馬干曰今有夕桀各為二篇禮記少儀正義引馬融干寶蓋約二家義非其元文

調人

掌司萬民之難

馬曰難謂相與為仇也

太平御覽四百八十一人事部

掌節

山國用虎節土國用人節澤國用龍節皆金也

干曰漢之銅虎符則其制也

續漢志二十六百官志劉注

以英蕩輔之

案依干義蓋讀蕩為蕩通典五十七嘉禮引此經及宋朱申周禮句解本並作蕩與干義合

干曰英刻書也蕩竹箭也刻而書其所使之事以助三節

之信則漢之竹使符者亦取則於故事也

同上

槁人

掌其內外朝宬會者之會

千曰禮司徒府中有百官朝會殿天子與丞相決大事是

外朝之存者續漢書二十四百官志劉注

春官宗伯第三

世婦每宮卿二人

賈馬曰奄卿也賈疏

大宗伯

以禴禮哀圍敗賈疏云此經本不定若馬融以為國敗正本多作圍敗案據賈說疑唐時鄭注本亦有

作國敗者賈大行人疏及孟蜀石經小行人注引此經並作國敗可證

春見曰朝夏見曰宗秋見曰覲冬見曰遇

賈曰一方四分之或朝春或覲秋或宗夏或遇冬藩屏之

臣不可虛方俱行故分趣四時助祭也毛詩大雅韓奕正義

馬曰在東方者朝春在南方者宗夏在西方者覲秋在北
方者遇冬同上

以玉作六瑞以等邦國王執鎮圭公執桓圭侯執信圭伯執
躬圭子執穀璧男執蒲璧

馬曰瑞信鎮圭長尺有二寸王者執以祀天地桓圭九寸
信圭七寸躬圭七寸穀璧五寸蒲璧柔滑御覽八百六珍寶部

小宗伯

右社稷左宗廟

馬曰社稷在右宗廟在左或曰王者五社大社在中門之
外惟松東社八里惟柏西社九里惟栗南社七里惟梓北
社六里惟槐續漢志九祭社志下劉注

兆五帝於四郊

賈曰東郊木帝太昊八里南郊火帝炎帝七里西郊金帝少皞九里北郊水帝顓頊六里中兆黃帝之位并南郊之季故云兆五帝於四郊也

魏書五十五劉芳傳北史四十二劉芳傳

肆師

立小祀用牲

馬曰宗廟小祀殤與無後

賈疏

司几筵

掌五几五席之名物

馬曰几長三尺賈疏云阮諶云几長五尺高三尺廣二尺馬融以為長二尺蓋約馬義非其元文

筵國賓于牖前

馬曰二王後

通典七十四賓禮云馬融以為二王後蓋約馬義非其元文

典瑞

王晉大圭執鎮圭纁藉五采五就以朝日

馬曰天子以春分朝日秋分夕月

南齊書九禮志

四圭有邸以祀天旅上帝

馬曰四圭相連皆外嚮其一邸長尺二寸旅陳

御覽八百六珍寶部

兩圭有邸以祀地旅四望

馬曰兩圭五寸

同上

裸圭有瓚以肆先王以裸賓客

馬曰灌鬯之圭尺二寸肆陳牲器以祭也

同上

土圭以致四時日月封國則以土地

馬曰土圭尺有五寸以求地中故謂土圭也上同

珍圭以徵守以恤凶荒

馬曰守邦國都鄙者上同

牙璋以起軍旅以治兵守

馬曰牙璋若合之銅虎符上同

穀圭以和難以聘女

馬曰穀圭七寸穀善上同

琬圭以治德以結好

馬曰琬圭九寸琬順也上同

大司樂

凡樂圜鍾為宮

賈曰圓鍾夾鍾也隋書十五音樂志引賈逵鄭玄

馬曰圓鍾應鍾也同上

干曰不言商商為臣王者自謂故置其實而去其名若曰

有天地人物無德以主之謙以自牧也同上

孤竹之管

賈曰如箎六孔爾雅釋樂大管謂之箎郭在云賈氏以為如箎六孔不云周禮在余馬兩家並繫於

此合姑存之

大祝

掌六祝之辭以事鬼神示祈福祥求永貞

馬曰神天神鬼人鬼祇地祇也御覽五百二十九禮儀部

隋龔逆卅逆尸令鐘鼓右亦如之

馬曰血以塗鐘鼓賈疏

大師宐于社造于祖

馬曰爾雅曰起大事動大眾必先有事於社也太平御覽五百二十

四禮儀部

設軍社類上帝

馬曰社者社主也類者以事類告祀上帝同上

國將有事於四望

馬曰將行也四望日月星辰也同上

及軍歸獻于社則前祝

馬曰獻於社主同上

喪祝

掌勝國邑之社稷之祝號

馬曰所討國所封邑猶立其社稷太平御覽五百三十二禮儀部案封疑誅之

誤鄭在云勝國邑所誅討者

馮相氏

掌十有二歲十有二月十有二辰十日二十有八星之位辨

其敘事以會天位

馬曰位大歲歲星與日月同次之月斗在建之辰李滄風乙巳占

三案在疑當作所

保章氏

以星土辨九州之地所封之域皆有分星以觀妖祥

馬曰星土也星所主也土地傳曰參主晉商主大火也辨

別也封界也封域一國也分星自斗十二度謂之星紀之
次吳越之分野之類也同上案星土也也疑者之誤

巾車

一曰玉路錫樊纓十有再就

賈馬曰鞶纓馬飾在膺前十有二帀以旄牛尾金塗十二

重賈疏引賈馬案鞶當作樊此涉鄭讀而誤

木路前樊鵠纓

賈曰前纓有結賈疏

馬曰前樊結纓謂再重樊纓在前有結在後往往結革以

為堅且飾節良以為樊纓皆有采就則前與鵠亦可以為

飾賈疏案以為樊纓二云云疑賈申釋馬義非馬傳文

重翟錫面朱總

馬曰重翟為蓋今之羽蓋是也同上案賈云馬氏等云疑賈氏亦同馬義

翟車貝面組總有幄釋文幄干馬皆作幄身學反

輦車組挽有翟羽蓋

干曰對輦曰輦續漢志七祭祀志劉注

駟車翟敝然禡髮飾

賈曰然獸名也賈疏

夏官司馬第四

太僕

干曰若漢侍中續漢志二十六百官志劉注通典二十一職官無漢字

司勳

凡有功者銘書于王之太常祭于太烝司勳詔之

馬曰烝冬祭也臣有功德者則書其功于司馬為烝祭之

王涇大唐郊祀錄九

挈壺氏

分以日夜

馬曰漏凡百刻春秋分晝夜各五十刻冬至晝則四十刻

夜則六十刻夏至晝則六十刻夜則四十刻賈疏

司弓矢

獻矢箠

干曰今謂之步又續漢書志二十九輿服志劉注

增矢

馬曰繳繫短矢謂之矰司馬貞史記索隱十五

大馭

凡馭路儀以和鸞為節

干曰和鸞皆以金為鈴續漢志二十九輿服志劉注

職方氏

河內曰冀州

馬曰在東河之西西河之東南河之北爾雅釋地釋文

秋官司寇第五

條狼氏

干曰今卒辟車之屬續漢志二十九輿服志劉注

象胥

干曰令鴻臚

續漢志二十五百官志劉注

事物紀原五鴻臚

下引干寶曰亦周禮象胥之職乃高承所改不足據

大司寇

以佐王刑邦國詰四方

馬曰詰猶窮也窮四方之姦也

尚書周官正義

司寤氏

以詔夜士

干曰令都侯之屬

續漢志二十五百官志劉注通典二十五職官

庭氏

掌射國中之天鳥

天御覽引作妖

馬曰國中妖身梟鴟惡聲之鳥也

太平御覽二百四十七兵部

若不見其鳥獸則以救日之弓與救月之矢夜射之

馬曰獸虎狼嗥鳴也救日會則伐鼓北面射太陰救月蝕

則伐鼓南面射太陽以此弓矢射之上同

若神也則以大陰之弓與枉矢射之

馬曰枉矢名也同上案疑當重矢字

大行人

邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨

物

馬曰六服當面各四分之假令侯服四分之東方朝春南

方宗夏西方觀秋北方遇冬南方侯服亦然西方北方皆

然甸服已外皆然賈疏云馬氏之義六服當面各四分之云云蓋約馬傳義非其元文詩韓奕正義引大宗伯馬注與此略同

冬官考工記第六

馬曰司空掌營城郭主司空土以居民續漢志二十四百官志劉注

輈人

弧旌枉矢以象弧也

干曰枉矢象妖星非其義也枉蓋應為枉直謂枉矢於弧

續漢書二十九

輿服志劉注

築氏

為削長尺博寸合六而成規

馬曰偃曲卻刃也

賈疏案賈云馬氏諸家等亦為偃曲卻刃也則似賈干等亦同馬說

冶氏

重三鈞

馬曰鈞量名當與呂刑錡同俗儒云鈞六兩為一川不知

所出百

尚書呂刑正義

鮑人

則是以博為棧也

釋文引沈云馬融音淺干寶為殘與周易棧棧之字同亦音素干反不知其義

畫續

山以章水以龍

馬曰獐山獸畫山者并畫獐龍水物畫水者并畫龍

鄭注云章讀為獐依賈引馬說則馬讀與鄭同

玉人

棗卓十有二列

賈馬以此十二列比聘禮醯醢夾碑百饗十以為列

馬義非其元文

梓人

以胷鳴者

釋文云胷干本作骨賈馬作胃賈疏云此記本不同馬融以為胃鳴干寶本以為骨鳴

賈曰靈蠭也

釋文

干曰敝尾屬也

釋文案敝尾當作鼈傳寫舛譌分為二字

一獻而三酬則一豆矣

馬曰豆當為斗

賈疏引鄭駁五經異義述馬說禮記禮器正義引同案鄭注用馬義

張五采之侯則遠國屬

賈馬以此五采與上春以功為一物

賈疏約賈馬義非其元文

匠人

隋書四十九牛弘傳云周官考工記曰夏后氏世室殷人重屋周人明堂馬融王肅干寶所注與鄭亦異今不見具出案馬王干三家說明堂之義今未見徵引其與鄭異者無可攷謹附識於此

九階

賈馬以為九等階

賈疏約賈馬義非其元文

敘秦自孝公以下用商君之法其政酷烈與周官相反故

始皇禁挾書特疾惡欲絕滅之搜求焚燒之獨悉是以隱

藏百年孝武帝始除挾書之律開獻書之路既出於山巖

屋壁復入於祕府五家之儒莫得見焉至孝成皇帝達才

通人劉向子歆校理祕書始得列序著於錄略然亾其冬
官一篇以考工記足之時眾儒竝出其排以爲非是唯歆
獨識其年尙幼務在廣覽博觀又多銳精於春秋末年乃
知其周公致太平之迹迹具在斯柰遭天下倉卒兵革竝
起疾疫喪荒弟子死喪徒有里人河南緱氏杜子春尙在
永平之初年且九十家於南山能通其讀頗識其說鄭眾
賈逵往受業焉眾逵洪雅博聞又以經書記轉相證明爲
解阮元周禮校勘記云轉當作傳逵解行於世眾解不行兼攬二家爲備
多所遺闕然眾時所解說近得其實獨以書序言成王旣
黜殷命還歸在豐作周官則此周官也失之矣逵以爲六
鄉大夫則冢宰以下及六遂爲十五萬家紉千里之地甚

謬焉此比多多吾甚閔之久矣。至六十為武都守郡少事乃述平生之志著易尚書詩禮傳皆訖惟念前業未畢者唯周官年六十有六目瞑意倦自力補之謂之周官傳也。賈疏序周禮廢興引馬傳今案當是周官傳敘謹附錄於此欲省學者兩讀故具載本文。孔穎達毛詩疏一之周南疏云馬融為周禮注乃云云蓋約馬敘文

撫遺

大卜補春官大司樂後

一曰玉兆二曰瓦兆三曰原兆

馬曰謂其象似玉瓦原之釁墟是用名之焉。司馬貞史記高帝紀索隱

周禮三家佚注畢

溫河市 國 文 館

溫州府 函 示 錄